

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

n/r Predsjedavajući Skupštine Kantona Sarajevo

PREDMET: Amandman na Prijedlog Zakona o izvršavanju budžeta Kantona Sarajevo za 2025. godinu

U skladu sa članovima 151. i 152. Poslovnika Skupštine Kantona Sarajevo ulažem sljedeće amandman

Amandman I

Prijedlogom Zakona o izvršavanju Budžeta Kantona Sarajevo za 2025. godinu

U članu 6. iza stava (6) dodaje se novi stav (7) koji glasi:

Izuzetno, prijedloge tromjesečnih i mjesečnih operativnih planova iz stava (3) ovog člana članice Univerziteta u Sarajevu dostavljaju Ministarstvu finansija.

Obrazloženje

S obzirom na složenost i kompleksnost funkcionisanja članica Univerziteta u Sarajevu, posebno imajući u vidu realizaciju domaćih i međunarodnih projekata, potrebno je omogućiti bržu i efikasniju realizaciju operativnih planova, kao i što je bilo prethodnih godina. Članice Univerziteta u Sarajevu imaju specifičnu dinamiku prihoda (npr. domaćih i međunarodnih projekata) i izmirenja rashoda (obaveze za PDV, obaveze prema ino partnerima i sl.), a sve u cilju poštivanja utvrđenih zakonskih rokova za izmirenje obaveza.

Amandman II

Prijedlogom Zakona o izvršavanju Budžeta Kantona Sarajevo za 2025. godinu

U članu 15. stava (5) mijenja se i glasi:

Izuzetno, u slučaju nedovoljno planiranih budžetskih sredstava na pozicijama plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda, uz saglasnost rukovodilaca članica Univerziteta u Sarajevu, mogu se koristiti vlastiti prihodi radi preknjiženja i izmirenja osnovnih plaća i naknada troškova zaposlenih,

doprinosa i posebnih naknada na dohodak za zaštitu od prirodnih i drugih nepogoda u iznosu do 20% od planiranih, a naplaćenih vlastitih prihoda koje ostvare u toku budžetske godine i razgraničenih vlastitih prihoda iz prethodnih godina.

O b r a z l o ž e n j e

U skladu sa članom 26. stav (1) i (2) Zakona o visokom obrazovanju Kantona Sarajevo („Službene novine Kantona Sarajevo broj 36/22) definisano je da:

(1) Sredstva za obavljanje osnovne djelatnosti na javnim visokoškolskim ustanovama i članicama univerziteta osiguravaju se iz Budžeta Kantona Sarajevo i obavljanjem registrovane djelatnosti.

(2) Sredstvima iz stava (1) ovog člana finansiraju se plate i naknade zaposlenih, u skladu s propisima kojim se uređuju plate zaposlenih u oblasti visokog obrazovanja, kolektivnim ugovorom, te normativima i standardima za obavljanje djelatnosti visokog obrazovanja na području Kantona Sarajevo.

S tim u vezi, za izmirenje navedenih obaveza osiguravaju se sredstva isključivo iz Budžeta Kantona Sarajevo. Međutim, u slučaju nedovoljno planiranih budžetskih sredstava na pozicijama osnovnih plaća i naknada troškova zaposlenih, doprinosa i posebnih naknada na dohodak za zaštitu od prirodnih i drugih nepogoda, uz saglasnost rukovodilaca članica Univerzitet u Sarajevu, mogu se koristiti vlastiti prihodi radi preknjiženja i izmirenje navedenih rashoda. Navedena saglasnost rukovodilaca članica je potrebna jer se radi o namjenskim vlastitim приходima (doktorski studiji, projektne aktivnosti i dr.).

A m a n d m a n III

U članu 17. iza stava (5) dodaje se novi stav (6) koji glasi:

Pisane saglasnosti, odnosno odbijeni Zahtjev sa obrazloženjem, iz stava (5) ovog člana za Univerzitet u Sarajevu, resorno ministarstvo dostavlja u roku od 5 radnih dana od dana zaprimanja Zahtjeva.

O b r a z l o ž e n j e


S obzirom na kompleksnost Univerziteta u Sarajevu i omogućavanje efikasnije realizacije preraspodjela sredstava članica Univerziteta u Sarajevu, neophodno je definisati rok kojim se obavezuje resorno ministarstvo da pošalje ili odbije Zahtjev za preraspodjelu iz člana 17. stava (1) i (4). Ukoliko cijenite da se predloženi amandman treba odnositi na sve budžetske korisnike u članu 17. iza stava (5) dodaje se novi stav (6) koji glasi:

Pisane saglasnosti, odnosno odbijeni Zahtjev sa obrazloženjem, iz stava (5) ovog člana, resorno ministarstvo dostavlja u roku od 5 radnih dana od dana zaprimanja Zahtjeva.

Sarajevo 24.03.2025.godine

Zastupnica u Skupštini KS

Danijela Kristić



Amandmani

Od Danijela Kristić <danijela.kristic@skupstina.ks.gov.ba>

Datum pon 24. mar. 2025. 13:32

Do Skupština Kantona Sarajevo <skupstina@skupstina.ks.gov.ba>

 1 prilog (34 kB)

Amandman III.odt;

Poštovani,

U prilogu Vam saljem Amandmane na Prijedlog o izvršenju budzeta KS.

LP